

平民縣志

卷

二一

地
170.157
4.2
21-2

平民縣志

壬	月
申	校
四	印

平民縣志序

縣之有志猶國之有史通例也平民縣治創設於民國十八年距今三載矣而文獻之徵尙付闕如覘國者欲求沿革損益之過程乃杳不可得此守土者之恥也二十年春瑞霆奉命忝長是邦爰晉邑紳而謀所以編輯之延霍小初先生光緒擔任纂修經營凡三閱月而觀厥成提綱挈領計分輿地建置田賦官氏人物藝文災祥雜記八則然平民轄境貫大河兩岸西與朝邑昆連東與晉之永濟接壤而黃流轉折遷徙無定防治尤不容緩故又繼以河防灘地兩則合計共得十門此大致也夫百里不同風千里不同俗吾國數千年來因襲之舊說也今何時哉處三民五權政治原

平民縣志

序

一

則之下吾黨初次訓政方努力於新縣制之組織將以齊步驟一心志予人民以參加政權之機會期達全民政治之途徑向之號爲官氏人物今則義務公僕矣其責任爲何如哉况值東鄰肆虐侵佔我遼吉戕賊我同胞國人方駭汗奔走求爲一致對外之精誠團結則撫茲蕞爾彈丸將何以固吾圉而盡吾責緩急固自有在區區志乘云乎哉然治理攸關亦不敢不勉也校讐竣事將付剞劂謹識其緣起云爾二十年十二月署理平民縣縣長咸林楊瑞霆序



平民縣志序

平民舊無志有之自霍君小初始小初與余交三十餘年矣歲乙未余從小初先大人受經於饒益之故宅而小初亦授余侄子峻讀時時過從樂數晨夕小初時方弱冠善文章喜談經濟每於雪夜圍爐酒酣耳熱之際輒上下千古娓娓而談余聽之忘倦往往不知東方之既白也旋先師棄世小初遠遊楚北余亦家汜於河跋涉秦豫不遑寧處自此不通音問者垂三十年至丙寅歲余攜家自豫返里羈留蒲關訪小初於家見其鬚髮皓白而余亦兩鬢星星矣回憶當年恍然一夢而朝夕往還無異在饒益時也今年春適楊君瑞憲來蒲是邑余與瑞憲亦舊交下車之後百廢俱興

平民縣志

序

二

而以邑乘屬之小初嗜瑞憲此舉可謂得人矣非其平日嫻於政治關心民瘼何能賞識之不謬如是耶茲閱小初之志見其志與地建置也如茅屋數椽於尺幅中現錯落之致志官氏人物也如晨星幾個於疎落中見點綴之奇志河防灘地也則千百年建築之得失交涉之傷損無不原原本本明白如數家珍焉志田賦災祥也則大聲疾呼爲民請命所謂仁人之言其利溥也至於藝文雜記二門亦皆檢擇精審皆有關於地方利害掌故而斷非率爾操觚者所可同日語也噫平民小邑也亦鄙邑也本無足志而瑞憲倡之小初志之平民從此有志矣且以歎小初之善文章喜經濟瑞憲之嫻政治心民瘼皆相需而成此一代之文獻也因爲序

其崖畧如此辛未涂月朝坂鳴軒趙濤序

平民縣志

序

平民縣志序

清光緒三十一年余從貽龔人將軍師遊濫厠於綏遠城將軍幕府時將軍擬修綏遠及土默特兩志聘寧河高曦亭先生爲總纂高亦余師方主講廣平書院使者相屬於道函電交馳高未肯來最後余修一書勸駕內有將軍之再三敦促是爲志計非爲吾師計之說而高師果至至綏後不三月而志成猶憶當至綏時余適于役寧遠師示以詩云季子約我來我來季已去可笑當官人行踪等飄絮灑灑百餘韻以相戒勉維時家少珊兄亦在綏所以呼余爲季也越十餘載至民國九年庚申余自大同歸里其時邑紳徐少南霍幼梅均在縣辦民團浼余勸辦團務邑宰趙元丞者亦

平民縣志

序

四

之名流也經文緯武幾於百廢俱舉延余勸理政務而以修志事河南蘿山界之霍幼梅先生幼梅堅不肯擔任經余多方勸勉始允同其九弟竹汀分任之厥後輾轉相遞此志始修於霍氏昆仲卒成於張君復初即今之朝邑縣志屬稿已定尙未付梓者也又越十餘載至民國二十年余司法平民適華縣楊瑞霖先生來宰是邑相與談及政務以縣屬新設不可無志此志之修名之曰修實則創立余則薦霍君小初爲纂修小初宏通博雅冲夷高簡其學問之淵深人品之峻潔在今日已成鳳毛麟角矣以之修志勝任愉快而縣長以平民司法事簡詞訟無多亦浼余勸助小初協修余雖樂成其事僅有協修之名其實此志乃小初之一筆成之

也所幸者余遊塞外勸高師修志而緩志成在本縣勸霍氏昆仲
修志而邑志成至平民介紹霍小初於楊縣長志修而平民志又
成余足跡所至每遇修志事輒喜聳勸之而諸君子者皆能納余
言遂以成一地方之典章文獻垂之不朽而後先輝映也豈不懿
歟是爲序辛未十二月承審員朝邑楚材喬桐蔭

平民縣志

序

五

平民縣志序

志猶史也周禮小史掌邦國之志變文言志豈史外別有志歟粵稽古志如闕駟十三州志元和郡縣志華陽國志括地志大同志及宋之吳郡元豐九域景定建康咸淳臨安清一統諸志志之名不可枚舉矣即以吾陝而論若康對山之志武功王泮陂之志鄠呂涇野之志高陵韓五泉之志朝邑喬三石之志耀以及富平則孫立亭志之鄠則劉九經志之華則張光孝志之莫不事數文簡彪炳千秋後有作者難乎繼已歲辛未邑侯楊公奉命蒞平甫下車諸事未遑即以邑志相屬余惟邑志與國史相表裏非兼才學識三長斷難勝任而愉快余不類賦性椎魯孤陋寡聞矧敢自附

平民縣志

序

六

作者之林且平民設縣僅朝邑之一區黃河宅其中戶口凋敝撫茫茫之廣野爲問有千巖競秀萬壑爭流山巍然以高水淵然以深者乎曰無有也爲問有車轂擊人肩摩呵氣成雲揮汗如雨者乎曰無有也爲問有名齊韓杜績邁龔黃鄭公名鄉鳴珂著里者乎曰無有也爲問有羽毛革珠玉錦繡誇天府之富有扶苞苴之菁華者乎曰亦無有也惟是黃茅白葦彌望無涯巨浪洪波跳沫靡旣以此言志志亦奚爲不知河流遷徙滄海變爲桑田政府提倡窮荒亦臻庶富公首及此於以勤樹藝課農桑重牧畜倡林業彰往察來懲前毖後將見野無曠土邑無游民興教養而正人心安見數千頃平沙無垠之地不化爲異日人文繁富之區哉是

殆上峰設縣徵志之微意也興念及此義不得以不文辭爰記憶
舊聞披覽往籍條舉義例編纂成帙猶望後之君子繼而正焉歲
在重光協洽嘉平之月蒲關霍光縉序

平民縣志

序

創修平民縣志姓氏

鑒定

現署

縣

長郝德綬

主修

前任

縣

長楊瑞霆

纂修

文獻委員會

員會

長霍光緒

協修

承

審喬桐蔭

勸理

平民縣志

創修姓氏

教育局

局

局

長楊拱北

財政局

局

局

長張振聲

公安局

局

局

長劉斐然

第一科

科

主

任雷紹先

第二科

科

主

任任萬青

商務會

會

會

長雷世傑

商務副會

副會

會

長楊階平

采訪

第一區

區

區

長郝希賢

王化鈞

第

二

區

區

長李漢卿

第

三

區

區

長董遜初

第

四

區

區

長東啟明

第

五

區

區

長孟仰三

閻韓卿

郭俊亭

李傑

平民縣志

創修姓氏

二

平民縣志

凡例

一志者記也記此一邑之事也有若與地之廣袤賦役之升除學校祠祀之建修職官公署之增省風俗物產今古不同軼事災祥傳聞互異以至忠孝節烈微顯闡幽文記詩歌紀事詠物莫不詳稽而備載焉凡以資治理通古今廣教化美風俗也而必賴賢有司培養而作新之於以希風隆古無難矣

一諸志門類較繁蓋他邑地廣物博非多立條目不足以盡事物物之變也是編約爲十門各以類相附若網在綱庶閱者開卷瞭如

平民縣志

凡例

一河防灘地二門諸志無之惟時齋朝邑志列及河防然亦未實言其防之之法灘地則自大河西徙至今爲秦晉交涉之一大問題上峰設縣意在於斯故不得不列爲專門以俟有志者之竟成焉

一向來修志人物列女判然兩途五泉朝邑志附列女於人物王志因之時齋所謂女有士行亦人物也況士尙多有愧於女者乎茲編仍之亦猶先民之矩矱之

一志乘之載人物列女原以正人心端風化尤宜核實以昭慎重其或瑕瑜互見難稱完璧年例雖符未嫻闡範一經節取動招人指摘者均未敢率爾收入然遐陬鄙壤見聞難周亦有據


采訪纂入者總之明有耳目幽有鬼神知我罪我在所不計
一縣係朝邑分設畧及華域故凡各門事實皆以朝邑志爲主其
鄰縣志乘故老舊聞有關本邑掌故者亦備記之以資考鏡
一邑僻事創苦乏資料兼之文獻無徵編纂良非易易余以衰朽
之年謬膺纂輯之任簡陋無文誚奚容辭但志以翔實爲貴寧
簡毋濫寧闕毋謊稍自信焉至於搜遺證謬敬以俟後之博雅
者

平 民 縣 街 市 音



五 千 分 一 之 尺

晉 縣 軍 政 署 印



平民縣志目錄

輿地志

建置志

田賦志

河防志

灘地志

官氏志

人物志

藝文志

災祥志

平民縣志

目錄

雜記志

平民縣志卷之一

輿地志

邑人霍光緒撰次

在天成象在地成形畫野分疆形勢尙已若夫彈丸小邑置之大地不啻太倉之稊米耳使不正其經界則南朔東西何以按圖而可索乎况欲標形勝核道里指關津之夷險著村社之殷盈以及風土人情又將何所置問耶志輿地

星野

朝志以未爲鶉首自井九度至柳三度屬秦分雍州邑居秦最東與晉接境當在鶉首之初東井之九度也然地鄰蒲坂不啻平民縣志卷一輿地志
蒲城之西關則分野宜從永濟不知平民本朝邑東鄉從朝分野不亦宜乎

疆域

東至山西永濟縣界二里

西至朝邑縣界二十里

南至華陰縣界四十里

北至郃陽縣界五十五里

東西廣二十二里南北袤九十五里

西至省城三百里

志者曰邑之封域絕長補短不爲小矣乃河流氾濫其中以致